

۱ ۳ ۳ . ◻ ◻) ◻ ۶ ~~~~~

اتبعون اهدكم سبيل الرشاد

٤ شعبان ١٣٣٠ پنجشنبه ٥ تموز ١٣٢٨

٢٠٢-٢٠ د.ع

جلد ۱-۸

وجدان قید تحذیر بلها ؛ محبت بر مرض ؛ شفقت عقول قاصره
مخصوصاتندن و همی بر عرضدر .

دین کیدنجه بنیان فضائل یقیلیر ؛ حسیات مبعجله نامنه قلبده ،
دماغده نه وارسه هپسی برر برر چکیلیر . ساحه قلب بوم بوش ،
طام طاقیرقالیر . اوساحه یی تنویر ایدن نه قدر شعله وارسه هپسی سوزر .
اونک یرینه پایانی اولمایان بر میدان ؛ کوز کوزی کورمه یی بر زندان
قائم اولور . اوزندانک هر طرفندن مبهم ، موخش ، مدهش صدالر
عکس اتمیه باشلار .

ایشته بوکا ظلمت آباد کفر و الحاد دیرلر که عینله جهنمدر . اوراده
انسانک دماغنه استیلا ایدن افکار مدهشه مظلومهده اوجهنمک آتشین
تازیانه لی زبانلیریدر . جناب حق دینسزلره عذاب اکبرک نمونه سنی
بوراده بو صورتله کوستر . [ولتذیقهم من العذاب الاذنی دون
العذاب الاکبر .] بوجران عقلی وعصیینک نتیجه سی نه اولمق لازم
کله جکی هرکسک معلومیدر

محمد ماکف

مدافعات دینیه

حق و حقیقت

دوقنور دوزینک اسلامیت علیرنده کی اسنادانه فارشی رده

۱۱

« متعاقباً قیزلری ایمانه کلدیلر . عمجه سی ارغلی علی ده اونلره التحاق
ابتدی . علی اون یاشنده بر چو جوق ایدی . بر قحط سنه سنده عمجه سنک بار
معیشتی تخفیف ایچون اون کندی اوینه آلمشیدی . بونی متعاقباً کوله زید
کلدی . زید حالا کوله میدی ، یوقسه محمد آزاد ایدوب اولاد ایتمشیدی ؟
بوراسی لایقوله معلوم دکلدیر . »

کراشم سینه نک ایمان ایتمه لرینی ذکر ایتک زاندر . اونلر زانا
پدر دیشانلری تربیه سی تحتده یاشامقده اولدقلری جهته بتره
طامش دکلدردی . رسالت خبرینی تصدیقده تردد ایتیه جکلری ده امر
آشکاردر . بنابرین اکثر کتب سیرده خصوص مذکور مسکوت عنه
بر اقلمش ، دینه دعوت بیوردقلری بیان ایدلمه مشدر . ایچلرنده
یالکز اک بویوکلری اولان سیده زینب حضرتلری تروج ایتیش اولوب
دیگرلری هپ صغیره ایدی . حتی حضرت فاطمه (رض) هنوز دنیایه
کلشیدی . [مشارالین حضرتانک مناقب علیه لری جلد اولده اجمال
اولمشدر .]

حضرت علی (کرم اه وجهه) افندیملرک ده خانه سعادت آشیانه
بیامبریده تربیه کوردرک عبادت اصنامدن مصون قالدقلری حالده قبول
اسلامیتلری موضوع بحث اولیور . چونکه سن بلوغه ایرمه یی چو جوق
پدرینه تابع عد اونور . مشارالیه ک پدری ابوطالب ایسه دین قدیمی

وقتیله عربلرک ایشسر طاقی کوندوزک بودوره سنی بک فائده سز
شیلرله کچیرمک معتادنده اولدقلری ایچون ، ذهنلرده بوزمانک شردن
باشقه برایشه یارامیه جنی و همی یراشمشدی . آرتق یری ، کوکلری
یارادان الله ذوالجلال طوتارده بوزمانه قسم ایدرسه ، قدری نه درجه لرده
یوکسک اوله جنی در حال آکلاشیلیر . (خسر) ضلال ، هلاک ،
نقصان مغالرینه در . اوت ، سوره جلیلهده استتیا ایدیلنلرک خارجده
نه قدر انسان وارسه هپسی خسران ایچنده در . اولای ایمانی
اله آله لم ، باقه لم ؛ بوفیضدن نصیبی اولمایانلرک خسراندن آزاده قالمسی
ممکنی ایش ، دکلای ایش .

واقعا ، انسانلرک اسباب سعادت بیلدکلری وساطتی الله ایدنلر
ایچون - دینسزلره کوره زانا بوجیاتک مابعدی اولمادیغندن - خسران
یوقدر ، کبی کلیر اما ازیحق دوشونولورسه حقیقتک بوسبتون باشقه
اولدینی کورولور . چونکه انسان یالکز مؤثرات طبیعییه قارشى
جسمانیتى باریندیرمق احتیاجنده دکلدیر . مغنویاتی هجوم انفعالاتدن
قورتارمق ضرورتی ده شدتلی بر صورتده حس ایدر . زیرا البته
انسان حیوان کبی اوله ماز .

شیمدی برارده « دینی ، فلسفی مصاحبه لر » لرک ، مع لاسف
ایکنجیسی یازیلمایان او مغلل اثرک صاحب حکیمنی دبکیه لم . باقیکنز ایماندن
نصیب آله میانلری فصل تصویر ایدیور :

« دینسز بر آدم غایت قارا کلک برکیجهده فورطنیه طوتولمش ،
یلکنسز ، دومنسز صافراسز کمی کبی بو عمان حوادثک امواج
مدهشه سی آره سنده چالقانیر طورور . نهایت ، ساحل سلامته ایرمه دن
دهشتلی برقاییه چارپوب پارچه پارچه اولور .

اگر دینسز اولمق اذواق ممکنه بشریه دن ایسته نیلیدی قدر نصیب
آلمق مقصدینه مستند ایسه امین اولمالی که جناب حق اصلا بوکا میدان
ورمز ؛ سوء اعتقاد صحابنک دماغندن استعداد تلذذ خاصه سنی در حال
تزع ایدر . دین کیتدیکی دقیقه ده انسانک کوزینه برسیاه کوزلک طاقیلیر ،
دنیا انسانک نظرنده بر زندان بلا کسلیار ؛ بتون موجوداتی سیم سیاه
کورمه یه باشلار . آفاق برکنند آتشین کبی بوغازینه کچمک ایچون
دقیقه بدقیقه دارلاشیر . قلب هر درلو مزایای انسانیه دن تعری ایدر .
دینسز ، عالمه سی افرادینه کنديسی نی ماکل اتخاذ ایتیش بر آلاى
مخلوقات مضره نظریله باقار ؛ بنی نوعه قارشى هیچ بر محبت ، هیچ
بر شفقت حس ایتیز .. بجران کفر و الحاد بوتون اجزای بدنیه سنه
سریان ایدر . نومی عذاب ، یقظه سی اندیشه بی حساب اولور . قوشلرک
نعمات جانفزاسی غریبوماتم ، ازهار نوبهارک خنده انکشافی کریه درد
والم کبی کلیر . نرهبه باقسه چین جین ، لعن ونفرین کورور . بوتون
موجوداتک کنديسنه دیش غیجیرداتمقده اولدیغه حکم ایدر .

علتسز ، غایتسز ، صاحبسز ، معناسز کوردیکی بو عالم نظرنده
برلوحه ماتمی رنگ بلا کسلیار . اونک ایچون فضیلت برلفظ بی معنی ؛

اوزده بولتیوردی . بناءً علیه کنديسنك دين حقه دعوت بيوريلوب اجابت ايلديكني علمای سير تصريح ايدیورلر .

حضرت علی افندیمنك صورت اهدالریده شایان تذکاردر . شویله که - سورة المدثرک بالاده مذکور اوائل شرف نزول ایدرک - سلطان انبیا افندیمنك حضرتلرینه منصب رسالت احسان و عنایت بیورولان بازار ایرتسی کونی اقشام وقته طوغرو زوجة مکرملری حضرت خدیجه ایله برلکده ادای صلات بیوردقلری اناده مشارالیه یاندرینه کلوب ختام صلات عقینده استفسار کیفیت ایلدی ، جواباً : « بوعبادت جناب حقه ذات الوهیتی ایچون اصطفای و مرسلینی بعث و ارسال ایله قوللرنی ارشاده عنایت بیوردینی دین حقه احکام جلیله سی جمله سننددر . یا علی ! سنیده شریک و شبیدن مقدس اولان معبود ذوالجلالزده عبادت ولات و عزاکي آله باطله پرستشدن توفی و محاببت ایتمه دعوت ایدرم » بیورلدی . علی (رض) : « بوعوتی هنوز ایشتمش اولدیغیدن مساعده بیورکده برازدوشونهیم ، برکرده پدرمله استشاره ایدیم . » دیدی . رسول اکرم افندیمنك : « خایر ! بوسری کیمسه یه آچغه اذن و یرم . اکر موافقت ایترسهک ، باری کتم ایله . » بیوردیلر . حضرت علی اوکیجه کنندی کنسینه ملاحظه و تفکر سایه سنده مظهر هدایت اولوب ایرتسی صالی کونی تکرار حضور رسالتپناهیه دخول ایله سعادت ازلیه سنی ابراز ایتدی و بوحال و حرکتی برمدت کیزلی طوتدی . پدری مطالع اولوب ثبات ایتسنه موافقت ایتدکن صوکر اعلان ایلدی . حضرت مشارالیه بوسرهده سن تمیزه باغ اولمشیدی که بوسنده بولونان صبیك ایمان و اسلامی اتفاقاً صحیحدر . اما سن بلوغه واصل اولمادقجه ترك ایمان سبيله مؤاخذه اولماز .

روایت اولندیغنه کوره ابوطالب برکون مخدومنی رسول اکرم حضرتلریله نماز قیلارکن کوروب کنديسنه : « بونه حالدر ؟ » دیمش ، علی حضرتلریده : « باشقه برشی دکل ! بن جناب باری یه ونی ذی شانته ایمان ایتدم . عبادتده کنديسنه اشتراك ایدیورم . » جوابی ویرمش اولمغه پدری : « بك اعلى ! ديمك سنی خير عظيمه دلالت ایتمش ، اقتداده دوام ایت » دییه تقدیر و تحسین ایتمش ایدی . بردفعهده ابوطالب حضرت علی بی رسول اکرم افندیمنك صاغ جانبده صلات ایدرکن کوردکده دیگر اوغلی جناب جعفره خطاباً : « نه طور ورسك سن ده عمجه زاده نك دیگر جانبی وصل ایله ! » دیمشیدی . جعفر (رض) ده بك زیاده مشتاق بولندی دین حق قبول ایله رسول اکرمك صول جانبده قاووشدی ، ادای صلاته مسارعت ایتدی . معافیله ابوطالب حضرتلری : « برادر زاده مك سويله دیکی سوزلرك حق اولدیغنی بیلیورم . اکر قریش قادینلری بنی تعیب ایدمك اولسه لردی ، بن ده کنديسنه متابعت ایدرم . » دییه رك دین قدیمی اولان بت پرستلکدن آیرلغه موفق اوله مامشدر .

(دوزی) نك « کوله زید » دیدیکی ذات قرآن کریمه اسم شریفی مذکور زید بن حارثه « رضی اه عنه » در . مشارالیه کوچک یاشنده والده سیله

برابر بنی طی قبیله سندن بولنان داییلرینی زیارته کیدرکن غصب اولنه رق سوق عکاظده بیع و جناب خدیجه نك برادر زاده سی حکیم بن حزام « رض » طرفدن اشترا و مشار الیه اهدا ایدلش ایدی . ازدواج مسعود نبوی وقوعی عقینده خدیجه والده من اونی رسالتپناه افندیمنك هبه ایلدی . افندیمنك قبول ایله در عقب آزاد ، زکی و ظریف بر غلام اولسنه مبنی کنديسنی اولاد اتخاذا بیوردی . هنگام بعثت مبارکده حضرت علی افندیمنك تصدیق رسالتیه مسارعتی اوزرینه آلمش بولندیغنی تربیه حسنه سایه سنده جناب زید بلادعوه تصدیقه مبادرت ایتمشیدی ، بوراسی جای تردد المادینی کبی (دوزی) نك ترددینه رغماً قصه اعتناك قبل النبوه وقوعیده محل اشتباه دکلدر .

اعتناق مذکور تنبییه (اوغول اتخاينه) اقتران ایتمش اولمغه قبل الاسلام جاری اولان اصول عربیه توفیقاً حجر کعبهده [۳] مجتمع بولنان اکبر قریشك اشهاد اولندقلری بر وقعه معلومه در .

[استظهار . - جناب زیدك غیوبتندن صوکر ا پدری حارثه فراقیله متأثر اوله رق خیلی اشعار انشاد ایتمش و بك چوق آغلامش ایدی . مؤخرأ اوغلونك نزد رسالتپناهیده اولدیغنی استخبار ایدوب برادری (کعب) ی استصحابله مکيه کیتمش و خانه سعادتده اوغلی ایله بولوشمش ایدی .

متعاقباً فدییه و یروب تخلیصی ایچون استرحامده بولنسی اوزرینه رسول اکرم حضرتلری : « فدییه و یرمکزه حاجت یوق ، بن کنديسنی مخیر براقیورم . اکر سزی ایسترسه برابر کیدیکز . بنی ترجیح ایدوبده بوراده قالمق ایسترسه بوتون دنیایی و یره جك اولسه کز قبول ایتم » بیوردیلر . بوسوزی ایشیدنجه اونلر بك سويندیلر . فقط لدی التخییر زیدك کوزلری صولانوب رسول اکرمه خطاباً : « بن سزك اوزرکزه هیچ کیمسه نی ترجیح ایدم . بنم بابامده سز ، عمجه مده سز سکز . » دیمسی اوزرینه حیرتده قالدیلر . فکریخی تحویل ایچون متأثر ایدمك نه سويله دیلر سه فائده سنی کوره مدیلر • بناءً علیه مزبورلرك خاطرلرینی تطییب ایچون جناب رسالتپناهی زیدی یانه آله رق محفل قریشه ایصال ایله کنديسنی اوغول اتخاذا ایتدیکنی برده اعلان بیوردی . حارثه ایله کعبده مستریحاً یوردلرینه عودت ایتدیلر .]

مناسرتلی اسماعیل حق

اسلامیت حقنده

له كرك مفاطسی مناسبتیه (تعلم نبی) ادعائه ربه

— ۷ —

ایشته نسطورا ایله ده ملاقات برکورشمه دن عبارت قالمشدی . حتی بوبخیرا و نسطورا نام راهبری بعض علما اصحابدن صایمشلر . فقط اصح اولان اصحاب رسولدن عد ایدله ملریدر چونکه اصحاب ، « من رأی [۳] کسرحا و سکون جم ایله ، حطیم تسمیه اولنان محل مبارکدر .